

四庫全書

集部

欽定四庫全書

元音遺響卷八

元 胡布 撰

五言聯句

下山與諸公宿丘愚宅偕劉二紹聯句

佳友接良覲名山愜幽期方欣樽俎異紹少息登頓危

樓宇豁秋杪布星河澹清輝遙旻度寒吹紹爽氣浸棟

衣公幹懷古驩布延陵企遐思朗吟黃鶴篇紹倒瀉金

屈卮浩有萬古意布而舒千載悲飛觴竟華筵紹妙舞

弦朱絲咸籍抱異材

布

過庭美蘭芝汝南負重器

紹

雅

量涵澄陂不辭清夜閒

布

但惜白日馳各屬鴻鵠志

紹

母矜兒女私艱虞方薦臻

布

哀樂本相持有遺事無濟

紹

蘊真諒惟時申章勗前脩

布

篤誼敦明規今終在黽

俛

紹

久要謝瑕疵尚顧離別懷矢言金石辭

布

七言聯句

中秋後三日偕表兄劉紹由上藍經龍塘尋訪

普彥清隱居于資福之麓留宿聯句

晨霏澹沲雨毵毵<sub>紹</sub>首路聯鑣過上藍<sub>布</sub>遙嶂白雲生

木末<sub>紹</sub>美人秋水望江南<sub>布</sub>子真舊谷時難覓<sub>紹</sub>康樂

名山性所耽<sub>布</sub>湖海盍簪樽酒夕<sub>紹</sub>幾人相共寫憂悵

布

再聯韻三首東彥清知已

支離江海鬢毛毵<sub>布</sub>為愛丘樊隱蔚藍<sub>紹</sub>茆屋石田孤

嶼外<sub>布</sub>竹林莎徑一溪南<sub>紹</sub>渭莘雄業何能致<sub>布</sub>箕穎

閒情好共耽<sub>紹</sub>顧我艱難安出處<sub>布</sub>感君交誼共憂悵

紹

其二

烏帽西風兩鬢髭  
遠尋高隱叩精藍

布

山騰玉氣風雲

表地插金精象緯南

紹

蓋世勲名情愈薄  
居閒耕釣老

逾耽

布

遊從剎有東林興  
已覺羈心散內懷

紹

其三

落落喬松翠羽髭  
沄沄溪脈淨于藍

紹

秋風鴻雁來天

外野艇鷗鷁繞舍南

布

從古飯牛知甯戚  
于今呼鶴有

盧耽

紹

相逢何幸居林下  
悶世惓惓適自快

布

彥清次韻

碧山涼樹甫毵毵  
秋入澄溪水似藍  
彈鋏不無居稷  
下  
摘文何有賦江南  
東山屐齒尋常補  
北海樽醪夙  
昔耽枉沐高軒連  
璧至草堂今夕釋  
憂悵

回途有懷彥清知己聯句

四首

涉江歸路采芙蓉  
悵望佳人莫我從  
高樹絕涼紅葉  
暗遠山秋淨白雲  
封冥冥寥廓翔威  
鳳湛湛淵濶隱

蟄龍

結

此意祇應陶令解東籬千古企孤蹤

布

其二

馬頭飛雨濕征衫來到幽居思不凡

布

一榻卧雲茆屋

靜五松環逕古苔緘

結

青精老去同誰飯黃獨肥時祇

自剗

布

乘興不嫌來往數重攜琴鶴度秋岩

結

其三

江鄉雲物澹秋容

布

靜者幽居得過從

結

三逕鞠存高

士節

布

千齡松恥大夫封

結

名高日下知鳴鶴

布

道隱

隆中憶卧龍

紹

自慰鄙懷欣遠覲

布

孰能肥遯慕遐蹤

紹

其四

西風涼氣透輕衫

紹

馬上看山自不凡

布

半嶺夕陽鴻

雁度

紹

一川秋色水雲絨

布

靈芝為約高人賦

紹

琥珀

還從野老劉

布

終古為霖期大澤

紹

旁求何必問高巖

布

次聯句韻三首東彥清知己嘯軒暨劉二紹表



金野山人集卷八  
兄并述已志

空山松柏翠交甍上拂寥天氣蔚藍閩嶠金城通表裏  
軍峰砥柱障東南風雲夢老三生石龍虎丹成十月旣  
猶向塵勞歎淹泊祇應和樂滌歌悵

重陽後一日偕表兄劉二紹過饒李和宅留飲

聯句

蕪葭零露曉瀼瀼紹酒熟山中訪草堂布芳宴夙承酬

令節紹菊花今已過重陽布雕盤白雪翻魚鱠紹玉盃

清風飲蔗漿

布

自信朱陳風俗美

紹

酣歌千古意難忘

布

#### 四言

#### 清綏黃孝子詩

予童時聞鄉里黃一真尋母事又見鄉先生頌之以  
文章詩長惟予艱去亂一紀涉歷北南知父母兄弟  
妻子之睽違于兵也天下之廣有甚焉者嗚呼國家  
一有不幸忠臣孝子出矣忠孝之在天地猶金鐵之

在火百鍊而不為所移非貞剛堅挺之質不足當之  
天常之所攸宜非異能也季世淪惑徵諸矜譽悲夫  
己亥歲黃諸孫古愚求詩入帙予獨感壬辰以來天  
下之為人子者不愧黃一真幾希乃追為之詩曰

民彝自天理亂義存蹈危何覲死無傷恩惟皇建國一  
視同仁革宋踐阼兵下南藩俘掠不道擴靖中原曰黃  
氏母奔亂愛身道遠息薄客三十春兒大知禮痛母不  
還發廣大願緇衣髡顏越歷海甸走達荆蠻渚宮襄郢

如跬步間孝感天致大義昭貫歛下汝州知母所安子  
見母喜母念子難彞倫世表骨肉天完佛力道心克踰  
孔艱迎致千里生養死全旌門渠渠兵後歸然曰予生  
晚後數十年目逆頌文耳流事傳何意丁危迹踐憂患  
聖訓昭昭服膺拳拳寸心二者百感紛千再歌此帖翹  
企首山得不愧忤天下孰先春蘭其芳寒菊其鮮猗黃  
母子尚薦九泉

南風歌

至德交孚生物暢茂以洽萬民愠解財阜賡歌責難卿  
雲象德襲軒鼓舞俊乂在側授受休光仁被八表前王  
聖哲後世夢香

白雲謠

昔觴瑤池八駿躩躩惟皇壽穀以冀後來思予東歸和  
洽羣黎去不復野山川儼而驚駘雄雄御策天飛八駿  
云逝顧所望非

送鴻墩

流目寥青八風揚揚揮弦心遠去翼天長塞子冲曠寓  
不稽方培塿何知情澹坐忘一周俯仰萬象駢羅文光  
吞啖日月盪摩首川浩浩壅決洪波九萬一息不盈嘯  
呵道卷體蔽曰嬰山樊恬養取適維昧所安六合謏隘  
塵芥寬閒行雲悠悠援琴載彈

六言律詩

走筆賦六言

二首

萬里慈親塞外三秋倦客天涯鴻溝白日塵滿龍闕青

雲路賒父老悲風錦樹將軍古血銅花十年戰骨秋草  
一枕漁樵歲華

其二

江海情親鶴氅風塵淚灑龍淵西憶庭闈雲下北望長  
安日遶射策金門有願勛銅柱何年半生忠孝未遂  
浩志淹留豈然

元音遺響卷八

欽定四庫全書

元音遺響卷九

附

元張達撰

太和篇

龍興汪生索賦

一氣未肇判太和渾網緼如何盤古氏琢喪揚囂塵遂  
使末俗下居然昧常倫上窺太和際邈若猶與薰汪生  
富春秋惻惻一問津拜父濠水湄涕淚盈衣巾事母竭  
甘旨色養終冬春太和署軒屏庶類同厥身階庭芝蘭  
秀水木魚鳥親人生苟適意豈計富與貧我來屬多難



感子厚意陳要我賦太和令我愧無垠不覩太和事焉  
知太和淳身違太和時心存太和真舉手謝太和相攜  
歸隱淪

義婦辭為王佐妻萬氏作

結髮事閨閫盟心同死生如何中棄捐不得長合并邇  
者被嘉命校藝赴吳城臨岐重寄託肅穆候親庭甘  
母或缺旦夕善寢興斯情靡有違庶用慰徂征豈不戀  
茲愛所憂在國程自從分別來魂夢但怔營歸途冒霜

露果為二豎嬰百藥鮮一效良工徒折肱拊膺哭九京  
白日昧光晶蒼旻胡不仁妾身獨茕茕婦人失所天貴  
富何足榮生命雖云艱獨生寧自經跂予慕高躅感此  
雙涕零時俗薄倫敘骨肉猶相輕何況合恩義焉識墨  
與繩夫有忠孝誠婦有義烈稱清風播萬古榮榮垂令  
名太史采篇什此辭良可徵

君子齋卷為邵文斌作

卜地結華構夙昔嚴興居諒哉成德士秉心恒晏如弃

置塵俗累玩守聖賢書斯文未墜地小大任卷舒自匪  
不器資焉能識幾微篇章契道真觴酌陶情娛晷髮暴  
暘谷漱齒臨清渠放意橫八區俛仰貴不渝德業日已  
崇庶用復其初允矣君子與廓然霄壤俱

十一月十九日題

原上鳴脊鴿俛俛思急難如何二十載恂恂遘憂患綵  
服明曉日菽水怡令顏諒哉致婉愉勗率無間言前除  
風雪交北堂霜露繁紫荆日萎絕華髮萃九原陟岵獨

延佇復誰念羈艱載歌棠棣詩惻愴摧肺肝

夢二子

集慶城中寓所

江水淨簷簷鯉魚俱溯遊歸鴻盡北嚮不為報安否前者附書去到家應一月空有上林期翻令消息絕昨夢中男至仍似昔時癡殷勤論家事十問九解頤稚子笑相語遙指江頭路記得月圓時阿爺從彼去悽悽猶逆旅欸欸疑歸家妻孥各會面歡笑還咨嗟覺來失所在摸索空宇中蓬屋荻為戶颯颯來悲風人生寄百歲我

今已過半俛仰夢幻間浩歌發長嘆

題成和公義字說

成子有至性端居常晏如名言謹佩服肅穆古制初濟  
物懷惠愛秉心無鉏鋤溫溫春陽集謁謁衆卉舒耕鑿  
肆餘暇還讀案上書有時忽而笑掩卷重嗟吁得意任  
所遇焉知毀與譽荷鋤藝芳甸把釣臨清渠客至供脫  
粟採掇園中蔬上堂具甘旨炊黍膾鮮魚且復自懽樂  
瀟灑送居諸顧慚羈旅士學問靡所儲安得從爾游講

習暫依於勗爾慎所趨慰我離索居

贈別魏士昭南遊

積雪直川陸河流  
沅水漸僑居已傷懷  
言別復此時我  
切桑梓念子志風雲  
期出處雖殊致寵榮  
應自知驚飈  
蕩六合晻晻陰霾垂  
羣動悉奔伏衆卉紛  
攘披登陟一  
瞻眺白雲在天涯  
勗爾慎所持以慰居者思

斗室詩

蕭驛丞索賦  
甲寅二月濟南堰頭鎮

蕭侯任天性脫畧違氛垢  
築室清河濱容膝僅如斗  
奇

懷曠緬邈廣廈知何有月色淨庭除波光搖戶牖興至  
即高歌客來每沽酒篇章互酬答翰墨紛左右十年守  
一官不厭清塵後退食詠康衢那能計榮朽怡情步芳  
甸延目睇層阜澹然至人心外物信芻狗

雲山深處圖

金谿何氏索賦

山色逗奇秀雲光澹冲融斯游日成趣幽杳焉可窮樂  
意魚鳥適曠懷猿鶴通讀書長松下斲藥林藪中體倦  
時一息閉關保玄冲于焉謝簪紱即爾徂春冬羽客銜

豪素揮灑寫清風何當解塵鞅歲晏遠相從

雪夜感懷

雪霰大如拳風吹墮檐端縱錚迸萬瓦令我心苦酸跼  
踖敗絮中徹夜不成寐譏裁今昔事直欲迴天地梁溫  
有率土原憲無置錐堯殘必軒翥忠信反離披感念五  
情熱狂呼呌蒼昊徒然宰化育不肯均覆燾那得寫此  
曲遠寄雲中人奇懷莫汝訴誰識明月珎忠賢啓壯圖  
達士乘逸興意適自為娛功成熟能並而我且僵卧棲



棲無與儔何由共攜手繼此清夜遊期爾各努力僂俛  
加食飯時來倘會遇式副平生願

雜言

四十九首

大化運亭毒三光燭乾坤氣機往復來一理妙屈伸咨  
爾萬物育流形見陶甄網維孰云是主宰道固神

其二

陰陽始清濁萬物邈以分不有聖神作天工誰與陳盤  
古代主宰庖犧肇人文仰觀則懸象近取譬乃身允矣

立民祿財成盡經綸

其三

神農教耕稼所重在民食軒居垂衣裳端拱作民則休  
風扇五帝堯舜興讓德舉世躋雍熙曾何知帝力

其四

大禹拜昌言夙聞精一語帝鴻既以抑受命主中土吾  
聞玄圭錫明德日斯普尚憶胼胝憂江流思萬古

其五

桀紂棄成憲，魚焚恣淫威。有邦起仁人，大旱興雲霓。惟  
彼湯與武，征誅適逢時。南巢放獨夫，盟津鑠王師。扶義  
匪貪位，奉天恤民疾。猶聞夷叔議叩馬，以陳辭。

其六

泰伯恥翦商，泯蹤去宗國。文王有天命，終不失臣職。小  
心日寅畏，美里聞演易。惟彼至德稱，宣尼誠感激。

其七

六籍著聖道，昭昭日行空。仲尼苟不作，萬古誠昏蒙。吾

觀春秋成經世由至公斯志倘有遂興周在其東夢奠  
豈虛垂百王仰休風

其八

力政弊強秦商斯廢王道焚坑事誣天失鹿宜不保所  
悲炎劉興制作徒草草當時去古近遺意尚可攷云何  
事苟簡亂政乃循蹈遂令三王迹泯沒如電掃安得起  
兩生從之展懷抱

其九

八政先食貨裕民為國基農桑苟不給禮義焉所施所  
以制民產先王有恒規一夫或失所慮患起細微鴻雁  
賦中澤王風始云哀相將念嗷嗷流冗斯可悲

其十

五典係彝倫降衷有恒性聖人日恭已命教先庶政欽  
哉司徒職敷播始由敬振德時在寬從容俾就正後來  
何苟簡所好非所令三季既澆漓黎民罔興行孰似近  
淳龐遐遵有虞盛

其十一

聖人繼大寶心法傳厥中一德無過差千齡事攸同堯  
舜相揖遜殷周誅彼兇揆道本無異天行惟至公

其十二

九卦處憂患巽云以行權居變不失常時中義斯全竊  
柄事弗順遜君成矯虔誰云鄭祭仲可與伊摯肩

其十三

禮樂化民具斯須難去身躬行本敬和制作諧天人鳴

鳥以之至土風由是淳夸毗何卑卑經國徒虛文固陋  
昧常典哇淫喪天真

其十四

民則具君身形端影斯正聖神治天下所貴能盡性恢  
綱播弘範熙載凝庶政率土咸宅心禎祥播休詠宜彼  
皇極君自天成永命

其十五

易道首咸恒闕睢著風始人倫本夫婦外治由內理閨

門尚雍睦淫辟罔干紀率禮斯蹈和王猷以成美傷哉  
北雞晨乃爾播姦宄孰復戒陰凝齊家先正已

其十六

天下亦大具匪容小力持無賢佞如瞽詭說焉足隨廉  
來昔造佞箕子早見累弘血化為碧周網不能支所以  
元首哲股肱克綱維賡歌戒叢勝萬事良由隳

其十七

君德本於學得師聖則然成昭與君疇千古光遺編我



愛版築士致君有名言惟學念素志進脩若淵泉愚闇  
基世禍瞽行成自專厥首用顛殞邦家徒棄捐

其十八

祖龍遊沙丘秦鹿特競獲尉佗入南夷陳勝呼楚澤中  
原竟糜爛黔首罹鋒鏑世無隆準人誰與拯沈溺芒碭  
雲氣起長劒誠不忒扶義振三綱休光並四百云何千  
載下尚力不尚德

其十九

貝錦進輕翽家邦逢醜毒觸龍誠成佞桀惡彌以沃傷  
哉龍逢死松社走麋鹿殷鑒諒匪遙舉行一何酷庶來  
煽亮禍大聖遭僂辱玉馬忽朝周誰云罄忠告尚憶都  
俞音天風眇鳴玉

其二十

詐力有時盡戰爭自遺患佳兵誠不祥其事乃好還秦  
人昔虎視項氏初入關猛氣讐六國雄風拔河山屠毒  
慘未已燎原恣亮殘不戢竟自焚哀哀誰與憐

其二十一

立國本忠厚推恩王者心文景有遺愛休光到如今吾  
聞當時詔惻隱由中忱豈但足勝殘田間免呻吟斯意  
何寂寞民勞汔誰任

其二十二

分土古來有哲王務安邊虛內以事外經邦道非然周  
雅詠薄伐漢兵出祁連天威豈不伸彼土終棄捐卓爾  
金城畧屯師丐留田持重實遠計武功信由全

其二十三

霸力見假仁足云輔衰季桓文世不爾周道其久墜恢  
功却荆楚樓合振凋弊明禁整頽綱朝王興曠制遂令  
橫潰時猶復識名義所嗟原本淺詭遇由小器功烈如  
彼卑謀為終徇利

其二十四

三季世下降貪淫日漸浸國風成僭差侈靡斯莫禁權  
奸務平奪安宴懷毒酖民情滋效尤展轉益以甚傷哉

賈生涕痛哭時連社

其二十五

漢武喜開邊雄心事爭逐鑿空探河源因勢縻近屬大  
宛獻神馬儼狁潛北谷弘矣衛霍功天山繼遐躅中原  
竟凋弊省已乃多慾不有輪臺音民奚去荼毒

其二十六

九五位中正聰明不宜昏執疑來讒口持斷開枉門所  
以負黼黻古來警君身翫彼履陰柔豎閹敢持釣猶豫

棄剛斷審言循偽真終焉喪賢傳漢元成不君

其二十七

懷寵足喪身饕淫自貽咎多車奔秦鍼窟室死伯有古  
來功名士器量隨所受匪德負浮榮焉能以持久默觀  
陰陽化消長順常守知止曷不先終焉見臧否

其二十八

大鵬升天池翼若垂天雲搏擊九萬里茫茫渾埃塵斥  
鷃日啁啾翱翔止荆榛騰躍不數仞亦云任其真情性

不自適誰能安厥身

其二十九

造父昔善馭抑縱不窮馬鳴鸞日有節轍迹遍天下賤  
工何拘拘揮箠不遑舍終焉盡馬力奔弊傷解瓦哲人  
契斯理為治尚寬假艱虞懼銜櫪綏撫道安雅億兆奚  
可窮誰其戒東野

其三十

為治有大政米鹽非所宜秦皇日衡書勞瘁誠可悲軒

后皆垂拱有虞亦無為變龍時滿朝皞皞臻雍熙

其三十一

扁鵲謂桓侯君疾在腠理於時用湯熨所患猶可靡桓  
侯不深信諱疾忌言已病至乃迎之無能救其死

其三十二

和氏識秦王又識楚王心三獻乃見荆豈云遇知音我  
有太古瑟朱絃間徽金一彈降靈雨再鼓丹鳳吟師襄  
久不作子野亦已沈持之蒼梧野日暮浮雲深掩泣更



延佇徘徊九嶷岑

其三十三

十五讀詩書十六學劍術二十事荒遊揚帆泛溪渚扶  
桑睇初曉水底見日出鰲拊動三山金光時滅沒良遊  
竟成夢局迹愧華髮安得招鳳麟瀛洲看明月

其三十四

九達去榛傷險途冒風水窮達理之常所貴端厥履簞  
瓢樂顏巷帶索懼榮啓聖賢數有奇云何事姦宄乖張

越常分負乘致凶否哀彼幕上巢忘軀輩由已

其三十五

賞罰奉天心綱常日攸植武公據曲沃以孽戕宗國九  
伐有所施王誅詎容釋云何東周君刑用乃爾辟一軍  
俾為侯跋扈竟接迹嗟彼三晉封其來豈朝夕

其三十六

顯道善天下韜行臧厥躬用舍奚與已疇能保厥中堯  
舜相授受素王走西東窮達亦自天于時慨汚隆缺望

匪脩正宣淫基禍凶嗣宗何其愚乃爾悲途窮

其三十七

鼠玉本殊器方言偶云同懷璞過鄭郊周人亦何蒙名  
實恥不符鳳凰異昆虫宵人負釁戾矯偽徒為恭哲匠  
有明鑒瑜瑕當類從

其三十八

嚴陵負孤介巢許見高志光武昔下之東鄰崇節義乃  
知風化原信自人主致苟能激頽風孰不恥污穢

其三十九

太古去我遠登高思淒其風雲何茫茫飛羽時安之渺  
莽俯一氣空荒曠無涯蕭蕭寒聲來溟波增我悲慷慨  
發孤詠憑虛振余衣

其四十

典午卑六經清談賤名檢紛紛飾莊老曠遠類行險濫  
觴自夷甫陶誕行莫掩神州竟陸沈千古有汚玷

其四十一

陽道貴日舒興邦全士氣哲人慨云亡家國宜殄瘁傷  
哉黨錮禍媒孽于漢世羣陰紛內訌排擯先所忌孰不  
戒履霜艱虞有前備弱齡不好弄蘭畹結芳佩聿慕田  
子風凜然餘節槩

其四十二

登高盼神州觀秀向嵩岱嘯歌風雲起懷古何慷慨年  
來桑田變歲月悵斯邁流離阮籍途撫迹傷狹隘獨夜  
發哀音淒其激天籟

其四十三

王業昔偏安孔明任開濟鞠躬日盡瘁欲以報先帝方  
其事經畧謀畫信前計煥矣渭上師姦雄誠懾氣天心  
胡不祐志決身竟斃緬彼八陣存千秋餘涕淚

其四十四

二五妙生成馬圖泄玄造人文肇義畫則象存易道吾  
觀奇耦間至理極冲浩萬化本一原先天豈云老發揮  
繼三聖神明恣精討九師何區區異論淆醜好

其四十五

書紀帝王道遺編火于秦嗟哉伏生傳幸益孔壁文六  
體備明訓昭昭條藝倫雖無百篇完終見至治因繼述  
有成憲君行本諸身

其四十六

六義本情性于時見興衰覽之思無邪亦曰興於詩刪  
定有深意勸懲義無遺茲焉鑒善惡諷詠開民藝齊韓  
何專門毛鄭徒棲棲至理自矛盾于今傷背馳

其四十七

魯叟昔成經憲章垂萬世聖人不得位于是見微意悄  
然事筆削有志文武治是非明天心褒貶達王事麟出  
豈非時允為春秋至

其四十八

儀禮備經制周官如合模大哉姬公言文武道在茲王  
澤日薰蒸漸摩洽肌膚百年禮樂興萬世昭良圖誰云  
出陰謀蠡測徒區區



其四十九

負下未易居下流多謗議撓謙不違則悔吝非已致在  
陳孔何歎居東旦無懟榮辱自外來中虛識明志自矜  
兆瑕釁妄想服憂悸折翼庸得飛傷行誠罔利所嗟負  
性險疲滑喪中慮樂善吾敢忘知非仰前智

詠懷 十二首

夜中喟然嘆撫瑟發孤憤交遊徧海內零落殆已盡蕭  
條感知已飲恨中自隱騏驥不用良秋霜蕙花殞愴愧

激清歌衣沾涕徒杖

其二

把酒勸流景為余駐飛光促中多憂虞世故莽茫茫幽  
若黯霜露蕪葭睇青蒼登高望浮雲不見鳴鳥翔塊爾  
獨傷處秋思凌八荒

其三

種蓮滂池中根淺萌未樹風波日潛驤華耀寧復吐鳬  
鷺傷鍛翮悵悵獨爾顧豈無荃與蘅歲月逼霜露嗟我

懷美人逍遙嘆遲暮

其四

邪徑捷輶轅康莊塞荆榛趨舍既異路誰能復隨羣作  
苦念田家值茲伏臘辰酒酣仰天呼盡醉同比隣生世  
聊復爾委身亦奚論

其五

懸黎出寶匣爛然光滿目宋人貴燕石按劍不爾蓄抱  
真方什襲待價斯韞匱舉世無賞音何勞楚庭哭

其六

端居抱岑戚世故繁乃慮身卑動見尤悵鬱誰與語出  
門瞰中澤鴻雁傷落羽寒風時悲號白日宮陰霧寂寞  
稻梁謀憂來淚如注

其七

大海渺無際敝舟駕洪流狂飆怒屏翳駭浪興陽侯維  
楫中道失搖搖寸心愁所具本不素沒身竟何尤

其八

世情靡如意忽忽若有亡欲學廣成子沈憂焉可忘烈  
火燎中野洪流沒川梁經途塞變虛冥室悲游光達生  
苟不然身命何能當

其九

昔我遊邯鄲悲歌上叢臺黃雲蔽原野秋色南中來愴  
怆弔陳迹繁華空綠苔平原君不見知己安在哉志士  
無蠖屈山林有遺材興言惜往日千古餘悲哀

其十

霜氣肅大澤，虞衡方有為。緣山置罟罝，遐邇寧逸飛。列  
格掩狡兔，彎弧墜鵝雞。披林踐幽荒，探薄窮險巇。所中  
必翮羽，流磻豈虛機。焉見凌雲雀，飄飄極天涯。

其十一

少年負長劒，猛志厲秋霜。獨見絕衆慮，高翔起遐方。燕  
趙徧轍跡，周秦慨興亡。河山鬱雲飛，壯觀思悠揚。及此  
悲局促，鬢髮華已蒼。樊籠豈不念，短翮情自傷。

其十二

闊別慨參商懷思極令晨積憤莽胸臆所親路無因歲  
月不我與曜靈下西津零霜衆芳歇鷓鴣徒悲辛杳杳  
念索處栖栖愧離羣高山獨有秦牙曠誰其人

寄復見心上人

杪秋靚遙夜木落中帷響攬衣不遑寐起視明月朗南  
雲矯鴻雁候氣悽以愴援琴傷我悰懷人嘆河廣憶昔  
奉末契蕭閒詣方丈清談霏玉屑了悟示天壤眷茲別  
離久塵務紛鞅掌年華感流邁身世悲俯仰時有東林

思何能共來往

寄防季潭上人

華雨散白日法雲徧空海菩提妙真相歷劫恒不改  
吾師探天根圓對朗如解澄源滅諸惱掩室時自在  
汨余游苦波智性日昏駸玄關昧精進六入競沈痼  
如何久離索執熱孰云灑安得憇旃林西來擘芳蔭

送嚴鵬飛助教告老回桃縣

解組適閒身蕭條丘中賞故山跨梁宋秋色多榛莽  
回



車戀桑梓父老共來往伏臘倒樽盆高歌遞清響孤雲  
眇嵩少一葦嘆河廣何所見相思長淮沙月朗

真意軒

鬱抱塞冰炭迷陽瘁吾神有生亦懸贅曷若陶吾真大  
化本自然天君絕纖塵中虛自閒豫畦町徒紛紜我屋  
此山下開軒緬青雲松風行共遠流水春盈津理至情  
自適悠然太初民咄爾誰與此懷哉彭澤人

其二

寂感意彌曠雄觀契天真大塊斯噫氣洪爐煽無垠誰  
將悟吹萬一理通玄根匡坐對山月悲歌入寥旻

重闡堂為丁允共題

臨川有孝子構堂署重闡誓報罔極恩養志思弗違念  
昔童豎日豺狼塞郊圻母妊父義死太母是為依提攜  
風塵際倉卒將安歸迨今幸樹立深仰鞠育慈伯也奉  
祖母試吏盱水湄季也守桑梓事母竭甘肥各言遂厥  
志庶使行不虧我聞服高義盛嘆重歔歎勉哉慎所執

始終無或渝觀風倘相及請試陳茲辭

讀劉伶傳

劉伶好遊山荷鍤嘗自隨死葬必以禮殯殮乃所宜苟  
云曠達懷安用埋藏為晝夜與寒暑如斯往復之暴骨  
棄中野銘勛樹穹碑百年等塵土榮辱定焉如往哲或  
可作吾將議其微

贈別施伯暈

負疴卧衡宇過客陳苦辭政值九日勝遽興千里思黃

華適蓓蕾醅醑復淋漓稱壽捧清酌怡顏舞斑衣于此  
不為樂居然就分攜長塗積霧壅水陸羅蛟螭舟車一  
失守悔吝坐相推所以達識者臨岐審先幾鳳山際漢  
表盱水赴海涯回顧山水會白雲長在茲撫膺但延佇  
握手知能期去矣慎所趨勿為行子欺

交柯圖為徐子真作

種植紀昌運維善為休徵相期樹交柯居然家道興真  
契果有驗雙蓋供前楹兒孫日熾盛帑廩逾豐盈詩書

列高座青紫羅廣庭竭來四百年世胄飄華纓奈何人  
事易劫火焚林垆當時古楮樟一旦成榛荆但見掃地  
赤不睹參天青空餘風雲合無復虬龍陞應念培植勤  
載使柯葉榮毋徒玩粉墨撫卷謾勞情

曾氏母挽詞辭

怕見隴雲合忍歌薤露晞居然薶氛沴溘爾下慈闈令  
子効戎幕良人事幽棲一朝失所助兩地同其悲凍雨  
灑長薄驚風蕩交衢情來但感念誰不增歔歔

先澤齋卷為黃以實作

層構躡雲標偏楹跨風麓珍藏百氏典卷卷自緘束重  
是前代人摩挲屢曛旭每常舒卷會悽惋輒盈目憶昔  
冠學初竒文貪積蓄柰何值變故一旦成蕩覆寇火暨  
淫霖漂焚棄空谷焉知三十載編帙弗載矚安得從爾  
遊大觀恣所欲風簾逆朝暾雨楹燒夕燭饜飫九流迷  
馳驅四庫錄匪惟娛識界且以慰衷曲感此復徒然相  
看反悲感揮毫寫新詠鄙吝聊自沃

贈黃空明

高士敦古學持心常了了體存虛玄初用徹品類表昭  
示顯沈潛若鑑靈臺治匪徒燭曠遠亦弗昧纖小軒農  
通內典誦說達清曉親知多俊彥名聞著根杪憶昔南  
州翁引痾苦相擾一裁刀圭劑二豎頃刻剗載感厚意  
陳揄揚那肯少雄辭聳崢嶸妙札馳騁裏生平慕奇術  
芳躅無由紹聞此倍欣然臨風首頻矯願言諧宿心行  
矣襲佳兆

歷山祖餞圖贈別蕭郎中之官陝西

素楮揮玄靄寫此相思緒沙頭一瓢酒酌別秋城暮長  
安豪俠地在昔矜王度畫諾慎嘉猷庶幾存畏慕揮手  
從此辭願言保貞固雖無萬里途何由重會遇漠漠秦  
川雲離離歷山樹貽爾慎卷舒豈為誇豪素

贈別孫思明

穴蟲辨陰暄巢鳥驚早寒所以知微士不為異患干孫  
侯抱利器射策來吳關楊葉已百中錯節試一刊春風



動歸興慷慨懷悲酸稽首謝絳闕掛冠趨考槃方舟晚  
相遇意過平生歡倩論發幽蹟脫跳盤中丸視彼昧幾  
者孰能識其端浮雲翳大壑短水翻長瀾君歸適歡會  
我往足憂艱岐路一分手壯懷良已彈釣水步清淺采  
山陟嶺岼斯遊儻可遂酌酒開芳顏

齋居有感

遙遙萬里道恨恨千古心人生駒隙間胡乃苦其身庭  
除滋碧草桑梓翳白雲高齋掩扉坐時聞簷鐸聲

對月

月光爾何榮覆地寫我形我形無汚雜我心自清明願  
得生翅翎九萬隨鵬程大風浩冷冷扶搖遊太清

夏至聞蟬有感

昔歲值茲晨聞蟬在齊郡已畏別期賒還憂日方永予  
今卧鄉國妻子得相省却念平生言愁來愈難整

秋齋夜卧有感

俛默抱愚拙空齋獨掩扉清風入牕戶明月下床幃念

彼林居叟行行深夜歸何言躡高躅徒使寸心違

夜遊竹間憶高士葉季文

竹裏風月好獨遊深夜時月光與竹色鑑映無塵緇我心政如此清興適在斯那得意中人復此同襟期

寄廬山陳汝言

林卧疏塵事閉門春草深東風偶然來披拂壁間琴感彼動中意跼予靜者心坐看西日馳落景惜顏侵我本楚狂人望氣江海陰南來託孤劍然諾唾千金豈不眷

勲庸而甘與浮沈當世屬大度志氣尚難任  
鼓刀矜餘力叩角有知音何必蹈東海功成還舊林

夜思

瘦骨榻痕清虛堂蟲響小  
怊悵萬古情朦朧一牕曉

古意

驪龍頷下珠光彩奪明月  
所適盡惛朦孤枕向誰雪

感遇

我有一寶劍鋒芒照膽寒  
無人能識鑑留取自家看



元音遺響卷九

欽定四庫全書

集部  
元音遺響卷十

詳校官中書<sub>臣</sub>丁榮祚

助教<sub>臣</sub>常循覆勘

總校官原任中允<sub>臣</sub>王燕緒

校對官中書<sub>臣</sub>孫球

謄錄監生<sub>臣</sub>李炎

欽定四庫全書

元音遺響卷十

元 劉紹 撰

秋懷 十七首

竟歲寡歡緒時閒俯東軒  
秋風意蕭瑟愛此寒榮妍  
暝色朝露芳馨比荃蘭  
食英豈無志值此冰霜堅  
忽與  
念榮悴俛焉默無言

其二

忽忽大宇內殷憂日如麻  
廿九不稱情有懷浩無涯  
節

至風物美孤芳澹清華輝林散愁悰起舞西日斜生死  
一夜旦大耋奚庸嗟

其三

萬物付定命詎云憂賤貧舉觴問青天孰若陶吾真夷  
叔餓首陽千載寂不聞終古今歸盡念之獨傷神

其四

緬俗結紆軫易初吾弗為臨流采香薄日與佳人期舉  
世厭芳草薰猶以同施撫襟悵余懷策駕臨海涯聞有



魯連子千金棄如遺高情倘可起攜手斯與歸

其五

少年厲猛志振翮慕高翥奄忽歲月徂壯心無復豫力  
綿氣就耗撫事日增慮枕險莫安寐憂虞懼前路淒其  
念華髮倂倂惜馳騫猶有丘首思從誰嘆遲暮

其六

大化日旋運羲娥去悠悠俛仰宇宙間身命誰能留迷  
復青在已不耕寧有秋雞鳴起為善思與大德儔朝露

竟幾何悵然日增憂

其七

夙抱尚林壑浮榮非素謀一命已七載伐檀誠自羞晨  
出北郭門浩然思清秋黃虞翳榛莽落日馳耕丘惟餘  
故鄉念慷慨興悲謳

其八

攜手上濠梁慨然憶莊周魚我不復辨達生亦悠悠但  
見飛鳥翔荒煙映寒流烏鳶啄腥腐鸞鳳聲自由感此

涕無已咄哉嘆行休

其九

萬象日昭著三光自無私古今何寥寥人道常相夷為  
善未有應為惡殆不疑昏昏昧靈臺慘慘誠可悲默爾  
重吾感天定人焉違

其十

全理日茫昧人情溺其私達生苟不然在世復幾時秋  
釀比隣熟寒華滿東籬稱意且謀醉綠鬢終成絲

其十一

夜中起長嘆仰視明月輝驚雀栖不定吾生亦何依彈  
劍拂秋蓮含悽步前墀秋霜草華落歲月詎我稽感往  
事難復念來情亦悲無將契玄理委順斯不疑

其十二

惝恍涕以佇擬邈然懷太初洪荒不可模樸散今何如智  
詐日成偽荆榛塞莊衢羣邪沸湯火嗜慾戕乃軀語德  
去以遠讐中匪良圖雲咸世無秦孰洗哇淫汙

其十三

陰陽鼓靈籥日月如轉九官神化運誰能測其端春  
暘美萬物秋露淒以寒乘時變榮悴天道終何言

其十四

高步視六合河山邈悠悠浮雲西北來慘淡增我憂世  
乏稷禹儔皇皇將焉求乾坤妙閭闔元氣浩不收經綸  
信有待明哲奚淹留自非遺世士何能守斯丘

其十五

藝蘭十餘畝種蕙連崇岡荷鉏理荒穢恒恐摧幽芳  
穠穠膏露滋飄飄靈風翔俟我將采刈佩服期不忘

其十六

晨興步前除鬱彼佳樹林上有好鳥鳴索羣揚哀音興  
言念我友高誼明斷金如何久離別不得同風心投袂  
出東郊浩歌盼西岑悽悽廣陵散惻惻梁父吟丈夫貴  
壯健毋俾徒荒淫

其十七

磷磷澗中石蕭蕭松上雨美人采三秀歲晏孰華予淒  
其念遠道薄暮澹延佇秋風愴我懷澄雲日凝宇冷然  
參差發悵望大江浦帝子不我期中情竟何與所嗟頃  
筐意周道渺何許遺玦謾馳思沈憂忍終古

雜詩十首示宰獻

夜中見明月臨牖御清輝涼颿忽以起草樹聲自悲怫  
鬱暫延佇援琴不能揮繁愁尚何訴但覺雙淚垂回身  
入空房零露沾我衣離鴻亦何苦塌翼寒相依

其二

朝出北郭門暮登西郭山不見采薇人倚松但何言涼  
風振林薄密雲翳岡巒淒淒鴟鳩鳴心事如波瀾舉世  
不尚異醑糟豈非難諒持獨醒理尚友三閭賢

其三

洛陽昔云盛豪貴聯華裾甲第冠京邑田園極膏腴出  
則富車馬入將倚金輿臺輿被錦繡聲價凌三衢一朝  
大運摧荊棘銅駝居烜赫不復見榮枯同翳如



其四

飛飛南來鳥，薄暮無宿棲。銜哀迅中野，午夜聲轉悲。壯志困冰雪，蕭條羽毛摧。乾坤豈不廣，周道今無歸。枳棘富羅網，泰山益巍巍。托身忍云失，失路誠不辭。

其五

日暮懷所思，涉江采芳澤。飄飄蘭蕙花，春氣滿南國。如何同心人，言笑千里隔。采之不成遺，中道真愉懌。淒風忽悲鳴，鵲鳩聲惻惻。恒恐芳意摧，榮華不常得。

其六

西城高崔嵬華閣翼雲起闌干倚霄漢戶牖納霞綺彼  
姝者誰子抱瑟中自理一彈振林木再響韻流水淒清  
回宮商觀者餘涕泗誰能為賞音世乏鍾期子

其七

驅車北邙道墓門鬱纍纍嘆彼泉下人冥冥即長途松  
蘿蔓荆棘狐兔凌丘隅千載不復生榮名竟何如人生  
信如寄日月寧居諸及時當惕厲毋俾同丘墟

其八

少小事遊俠西遊咸陽中金張不躡跡趙李何能從走  
馬逸絕景挽弧墜飛鴻心知不稱意尚友來山東黃塵  
忽以起白日驚鴻濛壯意竟何遂浮生成轉蓬猶餘固  
窮節不愧千夫雄

其九

朔風雨寒雪庭戶颯以淒佳人閨中處日夕愁孤幃良  
人客燕趙歲月久不歸榮華恐難恃會合知何期思惟

極長夜夢想若見之如何千秋懽夢覺忽爾違何能同  
飛鸞去住偕君飛引領意難釋沈思涕沾衣鳴雞夜將  
旦惻惻誰能知

其十

房星耀西極天馬產渥洼龍媒世難得被策來中華伏  
櫪器未展忽云輓鹽車峨峨西蜀山九折道里賒日晏  
勢頽迫東芻不云加棄擲道南谷長鳴若咨嗟誰能卒  
惠養猶可凌風沙

存誠齋

潛鱗泳淵深游翼摩高蒼積實塞天地流行極昭明寥  
寥太初人一氣涵混茫成性善自持蘊真保其臧子觀  
思無邪靈府何煌煌碧津湛華月太宇昭天光我願沐  
咸池乘雲憩扶桑逍遙卧松雪暨爾歌瑤章

送開學臣還河南

解綬違辟雍揚舲赴京洛長雲驚歲晏別我愧離索興  
懷靡夷屆餞宴悲執爵駭彼盼飛翰高馳已寥廓嵩丘

古奇勝瑤華翳叢薄空谷歸白駒從誰賦場藿紛吾桔  
形繫宿抱詎如昨悵望紫芝歌投情寄猿鶴

題豐城送別圖為張叔通賦

秋暘散林木霽景生繁陰華蕊被汀岸輕雲冠遙岑眷  
戀客遊子登艫屬江潯張筵俯洪流別鵠淒朱琴賓飲  
豈不盡舉觴思煩襟廣廈構梁棟多才美南金翰飛仰  
青冥九萬徵在今歡好良有極來鴻睇遺音

送王潤之官陝西

遠宦入秦關雞鳴肅征袂咸陽秋莽蒼古水咽清渭登  
臨盼形勝立馬慨興廢落日照終南行人在空翠淒涼  
鄉國念慘淡遊子意孰和莊烏吟遐思眇天外繫余契  
金石惜別勞夢寐何所更持情臨分乏瓊珮

送王貞念之官泉南

大厦攬羣材明庭集時彥皇恩暨東海宰牧惠遐縣鵷  
鸞異棲棘刀尺舊裁練游及恢有餘審機中無眩卓魯  
世所希龔黃眼中見紛吾契傾蓋喜子勤覲面接愛畏

睽離凝情遲祖餞江楓丹落日野菊黃遠甸孤帆天末  
杳驚雁雲中斷佇立思蒼茫臨風寄孤嘆

鍾山曉晴圖為尚書生陳宗進賦

靈崖多幽姿朝日射翠微丹黃冒其顛絳氣蔚以彌璨  
璨梵王宮朱甍儼崔嵬雲光發天藻綴戶紛陸離遐瞰  
極鴻濛元和囿天倪瓊英灼三秀玉樹交春萋我願酌  
石髓駕言候安期天門正鳴鳳葦葦梧桐萋

華峯晴翠圖為牟銘賦



素抱白雲志未諳林壑居關山緬河華夙昔悲馳驅奔  
峭入天府斷崖當空虛青冥倚臺高仙掌開芙蓉及此  
勞夢寐憑軒疑畫圖林巒翳青蒼赤氣紛扶疎彷彿玉  
女祠霓旌曳雲衢鳬舄如可借終期陟蓬壺

送錢仲宜入陝

仗劍事西遊雞鳴度函谷黃河駭奔浪三華時在目雲  
霞爛仙掌旭日照高陸停策望咸陽平蕪際天綠悲涼  
過秦賦惆悵清渭曲百二壯山河興亡成轉燭我歌歎

行邁秋氣紛落木遺玦寄遙思懷人美如玉

鎬季鵬山水圖

杳杳叢桂咏悠悠紫芝歌青山豈不美歲月良蹉跎寂  
寞異城曲蕭條負微病迴巒倚空青崿嶂中嵯峨飛霧  
洒遙雨層林翳岩阿側見滌煩抱願言與經過牽迫緬  
脩途濯英想流波佳人邈何許遲暮思如何終期侶麋  
鹿獨往依雲蘿

題陳思禮如在堂

大孝慕父母百年即崇晨黃泉邈難及鬱鬱何能伸  
惕想結沈憤呼天路無因升堂儼戚容帷箔悲流塵罔極  
恩難報忍云死吾親肅肅見羹牆歎音日如聞菽水尚  
得奉肝腸以酸辛躑躅弗遑舍靈思怳續紛永念膝下  
歡事亡終我身

皇甫志道雙桂軒

嘉樹日競爽月華散秋林天香下層雲圓影結繁陰延  
佇中林士徘徊尚友心虛堂耿中夕晤對成沈吟自聞

燕山謠或契却氏忱雨露日夜滋芳馨歲年深希聲雖  
寡和終竟有知音山人賦招隱行且投吾簪

送危於憶教授安慶

皎皎明月珠熒熒珊瑚樹承恩出畿甸典教任文署長  
波駕征楫鮮袂望江路煙景際平蕪空濛見楚雨緬懷  
舒古城夙昔守王度遺烈儼威容孤忠共誰賦玄成家  
業舊振鐸弘化澍相望極我思三山水雲暮

送李端甫歸覃懷

典教出中州趨庭憶河縣長波瀉天塹掛席過淮甸游  
雲澹飛雨碧樹鬱蔥蒨豈不煩爾思臨衢極深盼繁華  
貴知止道養沐殊眷日暮念遊方升堂慰情戀論交我  
無晚結分誠婉孌悵望王屋雲懷人夢中見

送李致周之廣西

選秀詣公車承恩任民寄要章聿南驚穀旦傷解袂都  
門供帳設水驛郵籤備繁吹過行雲驚颿速行旆蒼梧  
眇遐嶂巨浸極荒裔孰起虞舜思聯綿九疑翠隨陽笑

南雁局促轅下志同是肝肺存滄溟深別意

思故齋

至道日炳煥靈臺本無私昭昭君子堂棣萼時相輝  
此尚持一居恒敢忘思靜息冀有養動察無自欺蘊真  
含元和微瑩存天藝觴豆日接愛肅雍應填荒豈不念  
逸豫於焉勉夔夔般樂有聖訓緝熙法前規永言相爾  
室式用陳抑詩

藥石齋

美譽成疾疾嘉言信良規齋居藉藥石古訓安敢違俯  
仰則先哲脩名保恒藝知非念行邁聞過慎所思善惡  
紛在鑒開邪貴知幾緬彼邪佞子櫻心喪天倪讒諛一  
投隙令德從磷緇屋漏尚不愧箴言求抑詩通山有嘉  
澤允矣君子思

玄默齋

解知居化先葆真遊物表嗒然吾喪我道在匪昏盲緬  
觀四時運萬象紛以兆天體竟何言神行日星皎偉茲

順性命靈府謝棼擾斂華杜德機冥蹤却虛矯羗吾導  
壹氣囊括中窈窕極覽鄰泰初無聲契幽眇尚欲保靜  
專因之寄玄要

題蘭石

缺

擬古

十首

寂鑿混沌死人情迷至公忠信有不偶端行見途窮慨



爾七尺軀便娟難取容宿東耿介節邪毗紛異同大庭  
何遼哉磊塊煩心胸

其二

天地盜萬物萬物更盜之匪盜不成功東陵亦無時所  
以巢居子軒裳不能羈高度跨世外澹然守無為桎梏  
有形內但為此入嗤

其三

萬物本乎心天人理無違中和致位育舉此臻雍熙遙

遙三五人去我胡條而巧偽滋變幻乘時蹈危機卓矣  
我尼父喟然欲居夷

其四

清商變炎候霜露淒庭蕪歲晏行且至微情莫能攄獨  
坐念遠道雞鳴夜將徂浮雲莽空荒遊子誰與居引領  
睇闕塞寸心豈云疎

其五

大鈞運神氣萬彙各有形弱肉竟強食曷如無厥生吾

觀虎狼徒牙爪紛縱橫麟鳳世乃稀孰云保休貞惻爾  
憶善類終悲梟獍行

其六

落落大宇內古今浩無窮人壽竟幾何孰能觀厥終萬  
變日紛更羣行遂污隆夷叔乃饑死佞壬恒取容我願  
吸瑤翠後天老崆峒一觀善惡定康哉返淳風

其七

疇昔登燕臺南望緬江介黃雲塞中區秋氣薄恒岱所

悲霜露迫春此歲華改落葉日夜飛離獸翩翩邁鬱鬱  
孰得言愁思渺天外

其八

梗梓居鄧林崢嶸山谷間中道天斧斤多才實為患秦  
斯悲東門園綺走商顏綵繡非不美為犧誠所憚惟彼  
樗櫟壽浮雲良可嘆

其九

大道日昭昭物情無所遁圓方莫高下布指知尺寸天

經孰能昧撓我澄源溷心出妖孽生焦灼自成困廓爾  
保靈臺蕪山吾止良

其十

勢詐溺流俗翕張相雌雄棧棧荆棘場廣術難我容傲  
志孰藪澤巢林仰高風遺榮保精誠憑化觀始終坤用  
了不秘氣機妙相從守此豈云亢寧悲吾道窮

易水渡

朝發良鄉城驅車經易水沙鳴風飛揚日晏雲四起登

臨弔荆卿惻愴悼前軌尚想擊筑情捐軀報知己畏天  
小事大為國資道揆曷展匹夫雄居焉圖寸七燕丹事  
不成秦帝當世恥至今河流聲鳴憤猶未已我行慕英  
俠悲嘯哭山鬼死者不可生嗟哉田光子

涿州

抱介恥佞媚離尤滋慨慷扣閣道無由惻惻辭帝鄉寒  
冬百卉腓驅馬踐嚴霜晨過涿鹿城驚颺恍沙場息徒  
用稅駕遐眺臨空荒羣山從西來千里橫青蒼倚劒事

悲咤令人憶軒皇蚩尤今則亡戰伐何茫茫落日笳鼓  
發連營旌旆揚吾行竟何之流止嗟殊方

樓桑地故宅近廟

落景被層阿崇朝悵行邁停驂得遺廟瞻仰時再拜中  
堂神物憑古壁蟲蘚壞龍哀尚依然英風緬如在因思  
炎祚微四海嘆橫潰斯地產斯人含弘際光大淒其志  
興復飛羽才敵愾天命苟不違曹瞞豈其對我來千載  
後感激魚水會喬林動靈颿陰洞秘玄怪尚想樓桑存

童童狀車蓋時危兵革浩往蹇昧前戒英傑孰可期陳  
詞致深酌

真定城

客行抵燕南獨夜車軋軋斜月耿流光繁星動天末逶  
迤出深壁彷彿見城闕擊柝接耳聞哀笳向晨發維時  
重圍解二鎮兵禍結吞啞狗乃私邊隅忍流血防虞此  
何謂國恥殊未雪感此意惘然悲歌激林樾

滹沱河



夙駕違鎮都客行有前期蓬飛歲將晏恨恨臨高歧長  
河動我前夾岸流水漸需次向晨渡馬鳴遊子悲天寒  
野無人世梗道路疑豈無故鄉懷辛苦曷得辭貧賤本  
吾分險艱庸自持嗟哉雲臺勲千載今得知

邯鄲

訪古慕英俠壯遊過邯鄲連山飛翠來馬首如揚瀾貫  
酒呼美人浩歌弔平原天空響雲濤野闊凌孤翰憶昔  
致多士蛾眉去無難賓筵燦珠璣簫鼓清夜闌報効豈

金匱要略卷十  
無人騫翻濟時艱蹇我匪脫穎懷賢邈難扳干戈浩縱  
橫長路方漫漫感激詎有已登車摧肺肝

磁州市

高原黯平蕪霜重日色死客懷增悲辛行邁日靡靡汾  
陽跨邢衛雞犬接閭里隱賑富人煙漁鹽喜成市岐亭  
向朝泊接浙事薪水貰酒慰我徒停驂縱遐視側聞西  
州事唇齒莫相倚列戟滿潼關并吞詎能已

同陳仲宣臨潼眺三臺感賦

暮雨灑平陸，渾漳飛急流。停車訪遺趾，蕭瑟餘煙丘。  
憶昔炎運否，黃星射中州。度劉矯天威，叱咤風雷愁。  
構此晚霄漢，憑軒攬壯猷。蜀棧小諸葛，三江卑仲謀。  
歌鍾綺筵開，冠蓋紛夷猶。詭計棄土苴，姦圖照千秋。  
誰憐狐媚情，總遺石氏羞。老我詠梁甫，臨河思綢繆。  
緬懷分香悲，敢與西伯儔。鬼魅嘯林慮，西陵風木颺。  
干戈愴物色，行役吾增憂。

羨里祠

陳跡使人感 天秋一登臨 高堂肅遺像 孰識千古心 伊  
昔植昏暴 披猖肆邪淫 宮鄰縱金虎 大聖逢幽禁 縲絏  
豈我罪 天行敢無欽 鞠躬待王誅 苦節明斷金 遐想  
狂艱園 靡鬱森沈天 昏慘無人殺 氣吹冥陰怨 慕日罪  
已明 夷以沈吟至今 臣道難帝命 惟悲忱明祀 仰萬古  
我行適幽尋 頻繁愧無莫 肅拜偕朋簪 白日照殷甸 霜  
風疑遙岑 高歌昌黎詞 感慨微在今

鄴下述懷

殘壘宿題雲鴉鳴滿長洲驚風日夕起倒捲漳河流借  
問客遊子蓬飛幾時休沙塵暗長淮風雨迷舊丘獻業  
不得意征車曾少留此邦古名都控帶綿西州井竈列  
萬家甲兵當戎蒐以守足固禦以功伐先謀在昔雄武  
人憑城逞英猷蟻封曹瞞冢塵滅高懽樓陳迹竟已矣  
登臨眇予愁側聞轅門開將令嚴如秋斬牲誓貔虎建  
旆揮蚩尤三明集幕下一羽開遐陬獻馘諒有冀寢兵  
可前籌而我尚落魄龍鳴動吳鉤功名倘有遂買棹隨

輕鷗

曹瞞疑冢

懷古意激昂河山去逶迤曹瞞世已矣遺冢何累累大  
陸晝晦晏驚飈蕩殷圻我行倦中野登望興遐思國步  
屬艱難委身濟傾危丈夫功業立忠孝銘常藝漢賊不  
兩立雄姦當世知遺骸委黃壤千載孰忍欺我欲假六  
丁伐茲使平夷一洗狐媚恥無將行路疑

殷大師比干墓下

層城帶河流坑坎延邐迤城門一凝望突兀孤墳峙故  
老向我言曾聞比干死商辛昔昏戾社稷見傾圯直諫  
有斯人龍逢事堪擬想當批逆鱗誠惻吐臧否改過冀  
君情捐生非為己先王我同出去此吾焉止顛覆忍見  
之含悽向泉裏我來屬多難感激在千禩靖獻人自謀  
忠仁孰能企摩挲仲尼書朗詠道傍誅玄陰黯中陵莽  
蒼寒吹起他日牧野師誰憐商鼎徙

孟津

飲馬臨盟津濟河俟橫舟天空浪濤急歲晏風雲愁懷  
古睇平臯神州浩悠悠憶昔誓白旄師征逼虜劉軒裳  
不期來飛旆迷層丘伐暴奉天吏來蘇慰民憂至今川  
嶽輝尚識鷹揚秋桓武頌日遠興亡慨殷周干戈未偃  
息洵洵悲洪流

清化鎮

驅馬出衛郊羈離嘆流冗窮冬天雨雪所歷涉深恐茲  
晨過名鎮井屋河山拱天外見戍樓雲旗晝飛動江淮



事綿邈關陝勢奔洶大厦孰得扶時艱百千孔棲幽緬  
龍卧上乘驚鶴寵行矣拂青萍悲風鼓餘勇

福昌寨在宜陽西

峻澠通宜陽中條勢聯絡嶄巖福昌寨岡阜相倚薄上  
平行千畝下瞰延清洛喪亂設重關哀笳間鳴柝我行  
愧青歲憑覽感今昨秋色滿南雲寒聲殷寥廓蒼茫嵩  
賴思寂寞采芝約孰與濟時艱合淒嘆淹泊

河南露寶寨近嵩州鳴皋地

搏壁上層峰乘雲躡天關風濤鼓羣有九野何漫漫二  
氣無端倪陰陽自循環河山拱中區萬古情不刊而我  
一粟微覽之意茫然天地則瘡痍風塵暗荆蠻連山黯  
巫衡殺氣迴飛翰感往豈不感悲來愴朱顏

白馬峯在河南西

名山奠中區突兀倚天半振衣登雲梯奮志凌汗漫攀  
蘿出絕頂高步跨飛翰元氣畫淋漓羲娥遞昏旦凝然  
嵩華敵遐眺越江漢聯絡走龍蛇南行勢無斷吾思平

泉逸况乃值紛亂黃鵠招不來憑崖發深嘆

宜陽洛南山二十里至楚家莊

洛南多青山走勢連二室幽林石籠嵒谷轉峯岬鬱我行觸奔突登頓迷徑術汙溜發岩光寒陰籠白日况聞避地人陶復相比密喪亂各因依偷生餘艱晚兵戎幾時已撫事傷孱質山空颺颺號石裂蛇蟒出豈復慰曩懷行行悵如失

岷思軒

甫時失所恃終天抱餘悲羈艱屬行役感物寧不思晨  
發踐嚴霜迢迢陟崔嵬鄉閭眇關河無母吾焉歸憶昔  
在襁褓劬勞念慈闈成人靡由視下土應含悽眷此意  
難釋兒生亦何為聿瞻風木號白日無停枝血淚骨中  
出夜臺杳難期側聞著存訓企彼詩中詞名室示旅瑣  
敢云忘恩慈揚顯尚有志懷我重民彝

來德堂

樹棟非一尋築臺非一尺綿綿詠瓜瓞長發由厚積偉

茲誇名宗行慶表先德奕葉方著華所因誠自昔基深  
業從大淵浚流以益何善不流光家聲宜赫奕矧伊奉  
嘗蒸華構先塋側默佑克有馮名堂敢忘澤析薪貴負  
荷敷播冀成穡來者尚滔滔雲仍幸無斁

### 晚翠堂

斂跡抱幽貞仰喬托高木遙軒挹飛奕壯節時自勗  
茲虬龍姿盤踞出空谷落落千丈陰冰霜散繁綠孤雲  
自棲泊野鶴與吟宿不逐桃李顏飄飄古城曲多君守

中素砥行跨流俗堅白恥磷緇高風企孤竹秋濤響天  
末華月照蘿屋亦欲振余衣相從斲黃獨

送李鉉應辟

勸駕起英賢首途肅征旆都門冠蓋盛穀旦愜良會繁  
箏愴離曲清吹動浮靄飛雨濤上來淮陰殷蕭賴我歌  
思寥廓子舞情慷慨九萬竚南圖蜚英振文代

守節卷

壹志礪誠操歲寒心不移歸鄩企前軌粵有先民彝憶

昔結嫵婉百年以為期貞剛皦秋陽造次日靡違慨君  
溘先露妾生亦何依撫棺罄悲號同穴分所宜君母儼  
在堂君兒且孤遺妾死自不重含哀奉親慈爾來三十  
年終養義弗虧兒長克成立銀章映中闡足以慰所天  
黃泉豈無知板蕩感周道柏舟風已微申章愧麟筆于  
以敦澆漓

落雲軒

華頂拂秋影陽林澹初暉山雲落層軒爽氣吹岩扉默

爾契心賞橫琴當翠微  
飛蘿結松暝雨色涵清池  
信美子雲宅載醪將問奇

雲蘿山房

寧條會幽谷黃緣度迴谿  
長蘿分杳冥雲氣恒霏霏  
眷此賦場藿心和無町畦  
羨爾事耕鋤斂志時息機  
翠靄拂巖戶開軒延夕暉  
鶴鳴聞九皋暝色生遙圻  
沈酌適吾適懷人奏金徽  
高顏豈獨遠矯首歌紫芝

養浩軒



正氣塞吾體粵余抱剛貞所保詎不全  
歛然疑懼并卓爾配道義私忘中自生  
精衷孰可撓以直曷不勝慨彼鑿厥智  
羣邪日交萌撫己一有忤清明豈流行  
善養著軻訓反身亦由誠無將事業棄  
百體諧天經

### 紀善活水軒

雲構倚中谷檻泉溢清池澄源日灌只  
汨汨恒如斯相彼著道體鳶魚同躍飛  
往者或以息來者寧若茲所以君子人  
于焉契天機勵精尚不已進德維緝熙  
潢潦既

無本純誠匪容私猗歟川上嘆行健功難虧

紀善志古齋

渾沌日以鑿無懷世湮淪鴻飛去我久孰復還龐淳我  
志慕玄古泰初以為鄰居恒中守樸服食遵先民一德  
中自樂天行順藝倫慨彼益流偽雕文昧天真薰蒸灼  
原燎淫蠱疲形神道喪邈難續伊懷誰與伸卓爾體冲  
素冥機謝人羣耕餘韻土鼓予以歌熙春

寄金德進助教

杪歲去京國窮冬忽焉臨喬林替繁蔭虛硤餘哀音肅  
肅鴻雁度遙遙霜霰侵撫襟諒成嘅揆往寧繼今良友  
阻脩道索居思難任長淮捲飛濤白日時載陰婉孌冀  
有托孰為諧夙心式瞻庶不鄙炯誠期來箴

送黃伯益應辟

即聘與計偕騫翻屬昌期祥麟久在野靈鳳來何遲蔚  
此九苞羽神光分陸離覽輝應鳴韶千載誠一時煌煌  
紫宸宮虎衛森彤墀龍袞日當宁懷賢如渴饑君才師

卷十  
賈生磊落胷中奇夜半即前席跪敷當有裨秋雨霽廣  
漢征車日南馳彈冠集英游獻酌臨淮湄朋好固繾綣  
簡書亦難稽雲程會九萬鵬化看天池

尚友齋

古道日遼闊神交千載心齋居肅遐尚六籍窮追尋賢  
聖儼生存名言式規箴寥寥景高行進取期斷金勤厲  
我所則匪邪吾弗任德機恒躍如釋度誠所欽耕野伊  
志大居仁顏樂深仰瞻冀踵武投分徵在今

集陶句奉秋壁

結髮念善事驅役無停息遲遲將回步玄髮早已白嚴  
霜結野草落葉掩長陌顧瞻無匹儔素抱深可惜與子  
相遇來歲月忽已積奇文共欣賞載醪祛所惑願就留  
君住樂與數晨夕一形侶有制正爾不能得常恐大化  
盡前途漸就窄且為陶一觴是谷無不塞

贈王繼遠

倅儻負奇氣風聞英達風千金啻一羽高視平原雄腰

佩虎鞶囊劒華煙芙蓉推仁務拯溺急難哀途窮肝膽  
信所託恩成恥言功而我澹蕩人悲歌仰冥鴻相逢古  
鍾離倒屣論心胷長淮幾萬里瀉入滄溟東季布重然  
諾魯連邈遐蹤臨岐忍把袂別思凌飛蓬

題畫

二首

碧嶂拂霜雪華堂俯清漪輕颺左右至婉孌芙蓉披隱  
几看歸鳥鳴絃當落暉無應志肥遯習靜中忘機

又

嘉木結繁蔭山房抱秋陰開門白雲入爽氣吹森沈惆  
悵飛羽夕清歌對孤岑誰歟賦招隱興發丘中琴

江風山月亭

華月上蘿壁江風澹疎櫺金波泛遙渚長夜秋泠泠蕭  
瑟瀛海思悲歌緬雲屏無彈五十弦恐有蛟龍聽

次韻荅秋壁

種蕙冀連岡採蘭思滿握冰霜歲云邁遲暮竟何托憶  
彼鳳與鸞乘時思飲啄重華世難見高舉際冥廓揆余

胡栖栖孰與乘軒鶴  
素食諒為恥飽食慚黍稷  
俛仰視古人托身寧不忤  
鬱念結芳馨終悲隨燕雀

題巢居

介行志丘樊斂華日棲約  
郊堂甫容膝養素契貞樂  
松雲拂牕牖蘿薜結帷幄  
崖月照鳴琴天風振寥廓  
因懷大庭世渾沌時久鑿  
構此即巢居淳風誰復作  
從流厭雕鏤恬思致玄爵  
惟彼一枝安蕭然甘淡薄

題學圃



大患為有身百年總云遊榮辱自外至謫居亦何尤朝  
旦致吾勤山園雜荒幽荷鋤豈不倦生理子茲謀時雨  
夜來過連筒引泉流葵根日已長庶用供晨羞食力良  
自苦安時固無求申言委天命敢嘆吾行休

送官還鄉

采采誇鳳毛振振賦麟趾鳴珂久梁苑典壘歷朱郎丰  
容霽秋月朗譽藹芳芷秀發看妙年鄒枚誠足擬一朝  
識盈虛道養尚知止援例告還山飄飄返桑梓淮雲澹

清夏飛雨戒行李取別向親知浮雲棄如屣晨風駕飛  
鷁祖席湛清醴潮汐見相思因之懷浙水

懷友古詩

懷友枉銀鉤思親虔手澤人倫各惟盡有子表先德伊  
昔屬離居天涯意蕭索停雲慨千里洒翰寄芳墨繾綣  
結遐悰斯懷見膠漆誰云人事異歲月有存沒書到感  
人亡悲吟徒愴惻所欣幸天祐文嗣餘世嫡相見付遺  
言哀哀淚橫臆曩常古攸重鞠育恩罔極字字起親思

時從見顏色珍歲貴瑜瑾百歲矢無斃薄俗尚可敦濡  
毫著民則

秋壁以詩荅友人

夙予尚交友雅志思德馨孱愉謝煩鄙粵惟君子并投  
分五十載哲人嘅晨星念茲步前除不見蘭蕙青卓彼  
傲霜露歲寒挹孤榮冲素諒有愜老懷誰為傾感之用  
投贈舉世無獨醒俛仰憶湘纍先猷孰為程食英願同  
賦庶以慰鈴蜎嗟爾造化狹壑舟豈吾情無將陶公句

菊為制頽齡

送陳訓導丁內艱還閩

泣血促晨駕北風襲麻衣捫心子何痛無母將焉歸愴  
怵歷淮漢徬徨出郊畿關河渺萬里挹此終天悲憶昔  
志四方顯揚思有為瞻光豈不美乃爾成長離違養罪  
莫釋九泉杳難期興懷孰可寫魂魄寧靡知永感慕純  
孝難忘蓼我詞惟因情事展聿有昭恒奠

楊清堂

嘉木繚周垣曲地蔭叢薄華堂澹初旭昭昭紛沃若鳴  
弦寫幽曠屬詠接芳酌風至穆以清高興蕩喧濁因懷  
柴桑遠道在匪冥漢感物時自欣千齡茲有託

具慶堂

椿榦莞寒翠萱葩豔朝暘東風澹微和白髮悅且康酌  
酒介眉壽斑衣映華堂南陔式用續繁祉宜未央申章  
餘孝思為爾增慨慷

居易軒

履坦順吾事素行率彝常艱貞矢弗替委命容匪臧嘅  
彼務捷鬪靈臺昧天光邪淫日窘步荆棘迷康莊守分  
未喪義依仁謝讎殃安時諒無尤至理炳以章機械業  
所恥簞瓢樂難忘興文著居易養德宜斯堂

綠筠軒

太隱向城偏開軒種修竹青雲覆炎夏蕭洒森翠玉天  
聲動靈籟雨色散芳沐始愜君子心高閒繼前躅嗟嗟  
武公遠發興在淇澳貞操孰切磋堅持念幽獨秋清石

闌莢華月簾陰綠安得和鳳吟從君鼓玄曲

畸軒

矩行守良彝瞻睇誇特異剛貞曷不偶俛仰亦何恃了  
觀大宇內得喪逐聲利在理已多違同流適增穢獨醒  
吾未厭直道焉不遂酬酢諒匪難侔天湛中慮丘軻嘗  
坎壈箕穎誠足企嘉邈嘆畸人漆園非傲吏

繹求賦

作聖屬睿思操行炳嚴訓心官有所主淺計吾敢徇昭

茲方寸危善惡機亦隱寅念日有加脩為分跼舜繫其  
仰遺德事至從審順理緒固淵微細尋虞悔吝夸毗誕  
厥志妄作邁瑕釁弗慮胡有成披猖墮先聞多君秉純  
儉思遠憂弗近於燥述繹章存誠期自奮

送鍾州判任光州

純湛溢龍光璵璠騰寶氣暈征拔茅茹賢俊紛在位鍾  
侯文江彥展采効才藝蜀棧著休聲優遷從內地美茲  
淮壩州碩畫諧佐治耕墾務存常應為振煩弊江風石



林落山晚雲濤翠行矣莫辭勞貽蘭見交義

賦得浙江送別

大江蟠東區雲塹限吳越連檣互來往利涉由兩浙壯  
哉潮汐勢神怪日隳突萬鼓喧海門驚濤捲飛雪緬思  
鴻夷浮沈魄鬱忠烈白馬躍中流時猶見旌節君歸且  
前渡落日蘭棹發弔古豈無懷悲歌向山月

送舍人歸姑孰省墓

遊宦久王宮田廬悵榛翳慈闈九原恨丘隴誰與治晨

興鬱南望雨泣傷掩袂謁告遂言還攀號展情事登途  
適長夏飛旆拂空翠冠蓋擁都門遥遥攬征轡江澄米  
石月日斷青山寺缺

揮毫寄離思

送王生省兄回閩

愛至路方永別難辭重陳淮山引征棹越鳥隨歸人雨  
酌意繾綣風琴念殷勤無應二難恨去住餘悲辛

題春江送別圖

碧草滿江南雜花迎遠渚東風晚來急立馬向漁浦歌

餘折楊亂別思黯清酤落日照蘭缺

許

題大隱處士卷

足跡事深栖潛光謝瑕垢仰天曠高志養素非不偶紛  
吾瞰流俗甘分依畎畝朝與麋鹿游循常未貽咎務光  
邈千里巢許斯尚友歲晏不逢人清謔時擊缶孤風悵  
流邁峻節世希有述德聿有懷青冥仰崇阜

惜陰軒

績學企聖賢勉脩力難任飛光不我與逝者何駸駸念

彼日萼萼俛焉競流陰朝餘寒芳蘭夕擘中洲岑春秋  
奄代序少壯豈重臨迫爾鬱中腸操行明斷金東升卷  
初暘西景慮載沈常恐白髮至菁華難繼今惕勵著乾  
象希天聖猶欽興文惜居諸允矣勞我心

哭陳助教

滄江咽寒流白日黯精魄勁風摧危柯慨念我心識憶  
昔奉末契論交託胷臆脩名用斧藻砥行藉虔飭離居  
能幾何豈謂子永隔沈綿嬰宿患千載尚寔寔遺形嗟

莫紹隕涕傷毀壁知己今則亡吾生亦何益

雲林讀書所

層石屹青冥懸藤施喬木嵐光雜雲氣迢遞起中谷若  
人志肥遯山崦宜卜築時聞縱經史展卷樂幽獨琴清  
月當几雨過泉漱玉鳴鶴忽以聞天風激林麓因懷武  
夷棹雪漲春濤綠安得抱遺篇從君結茆屋

送光州鍾尚賢州判之京師

展采佐名州攄中樹政績勤勞越三載報政上京國軺

車駕言邁飛旆拂空碧鵬運緬天池三千從奮擊蹇余  
本鄉曲交好非夙昔傾蓋論素懷羈艱託胸臆涼雲薄  
淮嶂悲管觴日夕無念居者思秋期重難覩

四明嚴氏於先塋之側作堂祀其祖考名曰永  
思裔孫敘班良矩求題為賦此

一氣接吾身人生本乎祖游魂歲年遠丘壠翳榛莽以  
茲軫余念愴慕耿終古邈矣九原深昔容復何覩幸斯  
敬華構昭穆爰以敘時祀致我思蒸嘗奠清醑嗟嗟焄

萬意馨欬如在戶誠至乃著存余懷孰云侮深基仰來  
德祉錫昌厥緒永念極滄溟千齡繩祖武

友梅軒

哲人契嘉遯觀物怡我情薄俗嘅汚鄙眷焉慕幽貞咨  
爾異衆芳蕭條向巖垆冰霜不磨涅歲晏恒敷榮尚友  
實我志素懷惟德馨載瞻春陽臨百卉日以萌豈無桃  
李華輕薄未足稱投分與孤結申章副脩名

思親圖

碧嶂拂煙樹林園翳春暉東風吹白華念我來何遲憶  
昔去膝下不云長別離違懽踰歲年慘慘焉不悲晨發  
陟層丘游雲邈天涯霑襟愴余懷好爵焉敢縻王事日  
靡鹽歸心悵依依南陔庶可續永以存吾思

送傅元宗歸金川

應辟入天府辭榮歸故鄉高年願加飡千里遥相望憶  
昔未識子知名自詞場獻珎羞卞和山谷猶含章暨此  
文運啓高岡鳴鳳凰詔書下求賢作者鏗琳琅君才稱



老成桃浪翻雄芒吐論繼董賈搗文麗班揚雲路闊萬  
里乘時冀翱翔屯難胡不虞抱病耿中腸乃爾念立首  
西還沐恩光子月北風厲長途浩冰霜買帆向明發逆  
浪開舟航匡阜轉彭蠡西山屹南昌旬月定到家梅花  
滿山莊木落崖谷裏行體形色康縱觀適閒情白髮當  
壺觴我有些紫芝咏雲林思難忘耦耕豈無懷默爾情自  
傷行邁有餘興春來煩寄將

黃伯聲小立池上

碧嶂過微雨殘陽在疎林蕭蕭池上風拂彼丘中琴萬  
物妙容與誰歟知我心

醉後同伯聲有賦書竹上

默默契真想悠悠息塵機青山如故人與我中林期歌  
鼓玄籟作飄蕭白雲飛蒙莊稱達士千載今何之但得  
飲中趣毋勞嗟夕暉

又

廓落天地心蹉跎丘中賞古人不可見千載吾獨往嗟

嗟鳶魚趣妙領非外獎醉裏默無言沈思結玄想

成知縣東洲隱居

海甸峙雄安長洲延迤邐神飈散初旭草樹紛藿靡若  
人企商皓斂華外聲利節屋僅數椽安時思樂止閒情  
狎鷗鳥遠近澹煙水飛爽跂遙岑寒聲靜中起顧予束  
塵務咄咄嗟未已安得泛滄波浩歌林壑美

風木亭

子道貴終事百年鬱沈憂羈孤自童牝罔極恩難酬晨

起陟岵哥徬徨睇松丘攀號仰風枝白日無時休木性  
豈不靜寒聲故颼颼慨茲愴余懷血淚徒交流天乎獨  
我棄欲養親難留漠漠下土厚冥冥夜何求無將終古  
恨上與皋魚儔



元音遺響卷十